



22-13

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), a u vezi člana 64. stav (1), tačka b), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), na preporuku Komisije za javne nabavke u Zapisniku o ocjeni ponuda broj: 03/5-49-11994-9/18 od 24.12.2018.godine, Vlada Unsko-sanskog kantona na sjednici održanoj dana 10.01.2019.godine, d o n o s i:

## O D L U K U

o izboru najpovoljnijeg ponuđača za nabavku tonera i ketridža u toku 2019. godine

### Član 1.

Prihvata se Preporuka Komisije za javne nabavke za predmet ugovora „Nabavka tonera i ketridža u toku 2019. godine“ i dodjeljuje se prvorangiranom ponuđaču „Grafičar“ d.o.o. Bihać, nakon provedene e-aukcije u ukupnoj vrijednosti, od 12.570,00 KM bez PDV-a, odnosno 14.706,90 KM sa uračunatim PDV-om.

### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici [www.uzp.vladausk.ba](http://www.uzp.vladausk.ba), istovremeno s upućivanjem odluke ponuđačima koji su učestvovali u postupku javne nabavke.

### Obrazloženje

Na osnovu Zaključka Vlade Unsko-sanskog kantona, broj: 03-017-2602/2018 od 15.08.2018. godine, Ured za zajedničke poslove je, u ime ugovornog organa Vlade Unsko-sanskog kantona objavio na Portalu javnih nabavki Obavještenje o nabavci, broj: 928-7-1-55-3-29/18 od 31.10.2018 godine, za predmet ugovora: „Nabavka tonera i ketridža u toku 2019. godine“, putem konkurentskog zahtjeva za dostavljanje ponuda.

Po isteku roka za podnošenja ponuda (21.11.2018. godine do 12,00 sati) evidentirane su blagovremeno zaprimljene četiri ponude, i to:

1. 03/5-49-11994-4/2018- „Primaprom“ d.o.o.Banja Luka–20.11.2018.godine (13.50)
2. 03/5-49-11994-5/2018 "ŠNZ" d.o.o. Bihać - 21.11.2018.godine (09.10)
3. 03/5-49-11994-6/2018 "Defter" d.o.o. Sarajevo - 21.11.2018.godine (10.05)
3. 03/5-49-11994-7/2018- „Grafičar“ d.o.o.Bihać – 21.11.2018.godine (11.20)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da su zaprimljene četiri ponude od kojih su ponude ponuđača „Primaprom“ d.o.o. Banja Luka, "Defter"d.o.o. Sarajevo i "Grafičar" d.o.o. Bihać formalno pravno ispravne i ispunjavaju tehničke zahtjeve ugovornog organa i mogu biti predmet vrednovanja.

Ponuda ponuđača „ŠNZ“ d.o.o. Bihać nije formalno pravno ispravna. Naime, ponuđač je dostavio Potvrdu izdatu od strane UniCredit Bank, broj: BI10-16-11-18-106 od 16.11.2018. godine kojom se potvrđuje da ponuđač ima otvoren glavni račun, te da isti nije blokiran, ali iz potvrde se ne vidi da isti nije blokiran u posljednjih 6 mjeseci, kako je to traženo tačkom 3.2.

Komisija za javne nabavke je nakon izvršene kvalifikacione i tehničke ocjene sačinila spisak kvalifikovanih ponuđača sa ponuđenom početnom cijenom, te isti uputila Uredu za zajedničke poslove radi zakazivanja e-aukcije u skladu sa Pravilnikom o uslovima i načinu korištenja e-aukcije („Službeni glasnik Bosne i Hercegovine“, broj: 66/2016).

Agencija za javne nabavke BiH je zakazala e-aukciju, te je ista i održana 20.12.2018. godine sa početkom u 09.49 h. Ponuđači nisu podnosili nove ponude u toku trajanja e-aukcije, te je pomoću automatskih metoda ocjenjivanja u informacionom sistemu e-Nabavke automatski izvršeno rangiranje ponuđača, shodno utvrđenom kriteriju «najniža cijena» na osnovu koga je redosljed - rang lista ponuđača koji su učestvovali u e-aukciji slijedeća:

1. "Grafičar" d.o.o . Bihać konačna cijena u iznosu od 12.570,00 KM, bez PDV-a
2. "Defter" d.o.o. Sarajevo, konačna cijena u iznosu od 14.000,00 KM, bez PDV-a
2. "Primaprom" d.o.o. Banja Luka konačna cijena u iznosu od 21.500,00 KM, bez PDV

Naime, ponuđač „Grafičar“ d.o.o . Bihać, svoju početnu ponudu nakon provedene e-aukcije umanjio za 11.965,63 KM, odnosno za 48,768 %, te u vezi s tim sve jedinične cijene po stavkama iskazane u obrascu za cijenu ponude umanjit će za isti procenat.

Cijeneći navedeno, ugovorni organ donosi Odluku kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 5 (pet) dana od dana prijema ove Odluke i to u pismenoj formi i u dovoljnom broju primjeraka koji ne može biti manji od tri.

Broj: 03-017-34/2019  
Bihać; 10.01.2019.godine

